



## საქართველოს გარემოს დაცვისა და სოფლის მეურნეობის მინისტრი

### ბ რ ძ ა ნ ე ბ ა N 2-599

09/07/2020

ქ. თბილისი

#### შპს „ეკომეტალის“ ქერქული ნარჩენებიდან სილიკომანგანუმის ამოღების საწარმოზე გარემოსდაცვითი გადაწყვეტილების გაცემის შესახებ

2020 წლის 1 ივლისს სამინისტროს მომართა შპს „ეკომეტალის“ გენერალურმა დირექტორმა და ითხოვა გარემოსდაცვითი გადაწყვეტილების მიღება. 2006 წელს საქართველოს გარემოს დაცვისა და ბუნებრივი რესურსების სამინისტროს მიერ შპს „ეკომეტალის“ ქერქული ნარჩენებიდან სილიკომანგანუმის ამოღების საწარმოზე (ქ. ზესტაფონი, ე. წ. „კვალითის კაშხლის“ მიმდებარე ტერიტორია) გაცემულია №85 სახელმწიფო ეკოლოგიური ექსპერტიზის დასკვნა და გარემოზე ზემოქმედების ნებართვა.

„გარემოსდაცვითი შეფასების კოდექსის“ 48-ე მუხლის მე-4 ნაწილის თანახმად, პირი, რომელზედაც 2018 წლის 1 იანვრამდე გზმ-ის სფეროში გაცემულია შესაბამისი აღმჭურველი ადმინისტრაციულ-სამართლებრივი აქტი, ვალდებულია 2021 წლის 1 იანვრამდე, განცხადების საფუძველზე მოითხოვოს გარემოსდაცვითი გადაწყვეტილების გაცემა. სამინისტრო აღნიშნული აღმჭურველი ადმინისტრაციულ-სამართლებრივი აქტის საფუძველზე, გარემოსდაცვითი გადაწყვეტილების გაცემისთვის განსაზღვრული პროცედურების გარეშე, მარტივი ადმინისტრაციული წარმოების წესით გასცემს გარემოსდაცვით გადაწყვეტილებას.

აღნიშნულის გათვალისწინებით მომზადდა მინისტრის ბრძანების პროექტი, რომლის მიხედვით გარემოსდაცვითი გადაწყვეტილება გაიცემა 2006 წლის №85 სახელმწიფო ეკოლოგიური ექსპერტიზის დასკვნის საფუძველზე და საქმიანობის განმახორციელებელს დაეკისრება გარემოსდაცვითი გადაწყვეტილებით განსაზღვრული პირობების შესრულების ვალდებულება. ამავდროულად ძალადაკარგულად ცხადდება „შპს „ეკომეტალი“-ზე გარემოზე ზემოქმედების ნებართვის შესახებ“ საქართველოს გარემოს დაცვისა და ბუნებრივი რესურსების მინისტრის 2006 წლის 27 ოქტომბრის № 1146 ბრძანება, თუმცა აღნიშნული გარემოსდაცვითი გადაწყვეტილებით იურიდიულ ძალას ინარჩუნებს 2006 წლის №85 სახელმწიფო ეკოლოგიური ექსპერტიზის დასკვნა, რომელიც თან ერთვის გადაწყვეტილებას.

ზემოაღნიშნული გარემოებებისა და „გარემოსდაცვითი შეფასების კოდექსის“ 48-ე მუხლის მე-4 ნაწილის საფუძველზე,

#### ვ ბ რ ძ ა ნ ე ბ ა:

1. შპს „ეკომეტალის“ ქერქული ნარჩენებიდან სილიკომანგანუმის ამოღების საწარმოზე გაიცეს გარემოსდაცვითი გადაწყვეტილება თანდართული

სახელმწიფო ეკოლოგიური ექსპერტიზის დასკვნის საფუძველზე (დასკვნა №85; 25.10.2006);

2. გარემოსდაცვითი გადაწყვეტილების მფლობელი ვალდებულია დაიცვას თანდართული სახელმწიფო ეკოლოგიური ექსპერტიზის დასკვნის პირობები;
3. ამ ბრძანების პირველი პუნქტით გათვალისწინებული გარემოსდაცვითი გადაწყვეტილება გაიცეს განუსაზღვრელი ვადით;
4. ძალადაკარგულად გამოცხადდეს „შპს „ეკომეტალი“-ზე გარემოზე ზემოქმედების ნებართვის შესახებ“ საქართველოს გარემოს დაცვისა და ბუნებრივი რესურსების მინისტრის 2006 წლის 27 ოქტომბრის № 1146 ბრძანება;
5. გარემოსდაცვითი გადაწყვეტილების სხვა პირზე გადაცემის შემთხვევაში გარემოსდაცვითი გადაწყვეტილების გადაცემა განხორციელდეს „გარემოსდაცვითი შეფასების კოდექსით“ დადგენილი წესით;
6. ბრძანება დაუყოვნებლივ გაეგზავნოს შპს „ეკომეტალს“;
7. ბრძანება ძალაში შევიდეს შპს „ეკომეტალის“ მიერ ამ ბრძანების გაცნობისთანავე;
8. ბრძანების გაცემიდან 3 დღის ვადაში აღნიშნული ბრძანება განთავსდეს სამინისტროს ოფიციალურ ვებგვერდზე;
9. ეს ბრძანება შეიძლება გასაჩივრდეს თბილისის საქალაქო სასამართლოს ადმინისტრაციულ საქმეთა კოლეგიაში (თბილისი, დ. აღმაშენებლის ხეივანი, მე-12 კმ. N6) მხარის მიერ მისი ოფიციალური წესით გაცნობის დღიდან ერთი თვის ვადაში.

ლევან დავითაშვილი



მინისტრი